

奉化县志
突泉县乡土志



六天白羽
具乡
土
志

設治之時期

地理之沿革

位置

疆域

面積

氣候

山脈

河流

土質

政治

村落

戶口

民族

習俗

物產

鄉鎮

宗教

道路

廟宇

設治之時期

前清光緒三十四年經前奉天總督徐奏請設治於卜同博洛格地方

按蒙文卜同博洛格之義意即漢文所謂莽泉也在縣城北十里許

突出一泉縣屬因名之曰醴泉茲復改稱曰突泉皆因該泉而得名焉

地理之沿革

縣屬疆域徵諸歷史地理上之沿革在秦漢屬遼東北境後漢為鮮卑地南北朝及隋唐為靺鞨地遼屬上京之東境及東京之北境金

置肇州隸會寧府元為遼王乃顏分地

位置

縣城在奉天之北境計程一千零八十里為哲理木盟科爾沁右翼中旗
圖什業圖親王地所占位置在東經五度零三分北緯四十七度二十
五分

疆域

縣屬隸在洮昌道西北一隅東北至三十里之雙山子東至六十里之

水泉西下溝均與洮南相接東南至二百九十里之界拉屯與開通分
界南至三百三十里之二等昭接連達爾罕王旗界西南至三百里之兩隻
箭西至二十里之額木台河西北至六十里之太平屯均接圖什業圖未
放荒界北至七十里亦係圖旗未放荒地有直隸之奉吉江會館地
窩棚在焉

面積

全境地勢斜長自西北之銀寶山至東南之界拉屯計長四百二十

里東西寬三十里至一百二十里不等面積一萬六千八百方里

氣候

地處高原山嶺蜿蜒經年多風少雨夏則沙石蔽日暑炎如釜冬則冰雪接天異常酷寒因歲旱而荒歉者瀕年見慣

山脈

縣境西北兩面山峯環繞以下古吉塞罕花西力卜蘇台為有名之山其山脈由銀寶山蜿蜒而下不碍交通若東南兩面雖高下不一然僅

沙坨石崗而已

河流

河流以縣西額木台河為最其發源自縣西北圖旗未放荒界之懸山流入縣境之東南環繞三十里至白達荒甸子地方則入地中行矣

土質

土色黑墳性鬆粗而烈東北及西北兩面山嶺沙坨縱橫交錯宜於畜牧不宜樹植西南及東南兩面地多平原然沙石城甸不堪耕種者已逾

十分之六

政治

境內劃分五區設置正預巡警近將預警裁撤按各區戶口多寡改組保衛團城內駐劄之兵有捕盜營及奉天後路之巡防營全境僅有初等小學一處舖商六家並未成立有地方機關團體商民稀少財力奇窮政教難行徒增浩嘆

村落

設治之初分全境為四鄉東北鄉九村東南鄉三十七村西南鄉五十四村
西北鄉二十一村計共二百二十一村每村戶數或有或無或二家三五家
不等不過誌其名目而已

戶口

全境漢戶一千九百七十五戶蒙戶二千三百七十五戶統計共漢蒙男女
一萬二千四百六十人

民族

境內漢民率皆來自奉天直隸山東所有圖旗蒙戶概係元朝後裔以本族包姓為台吉雜姓為壯丁箭丁跔丁廟丁滿洲喇嘛五項台吉向有三四品之分准充協理印軍達官各丁則准充管旗章京梅倫扎藍等職

習俗

蒙古習俗尊崇喇嘛兄弟三人則當喇嘛者居其二切丁錢徭役均得免除並可自由居住此戶口減少之主因也性強悍嗜煙酒事游

牧好圍獵不務墾種居室簡陋衣飾無華以炒米牛乳為食品
之普通者

物產

物產動物有馬牛羊驢騾雞犬豕等類不畜於家者則有狍鹿
狐狸狼兔黃羊等類羽族則有野雉沙雞鐵鵲等屬水產
則僅鯽魚而已穀類以高糧蕎麥玉黍穀稷為大宗菜類有白
菜蘿蔔葱韭芹椒等種至乳皮乳油等類尤為蒙人之特產也

道路

東向二途一至洮南一至太平路南向一途至圖旗王府西向一途至東
西架魯北向二途一至乾安鎮一至達官屯

鄉鎮

縣城東南三百里原放鎮基一處曰開化鎮原有商舖一家現已荒
閉仍一瓦茅茨而已

廟宇

全境有蒙古廟六坐皆隸在東南地方曰太本太廟曰清海廟曰叫力
格廟曰散金廟曰剛喇嘛廟曰天音喇嘛廟又於城北十里許之泉水
側有龍王廟一座此外則窮荒初闢並無其他名勝古蹟


宗教

蒙人則崇尚喇嘛信仰佛教外有漢民信耶蘇教者三戶並無教
堂禮堂及教士牧師亦無其他宗教

额尔古纳左旗行政区划图

图例

- | | |
|------------|--------|
| ◎ 旗驻地 | — 次要公路 |
| ⊙ 乡、镇驻地 | — 大车路 |
| ○ 一般居民地 | — 窄轨铁路 |
| - - - 省界 | — 铁路车站 |
| - - - 旗界 | — 河流 |
| · · · 乡、镇界 | — 沼泽 |



K292.64
T880

